

夏小正經傳集解
夏小正解附徐本
唐月令注補遺

月令七十二候集解
月令氣候圖說



皇清乾隆四十二年
庚子歲次
正月
十日
庚子

庚子年十二月
十日
庚子



唐
月
令
注

補遺

唐玄宗勅撰
鄭泮林輯

中
華
書
局

唐月令注

此據十種古逸書
本排印初編各叢
書僅有此本

唐月令羣臣進注表

臣聞昔在唐堯。則歷象日月。敬授人時。降及虞舜。則璿樞玉衡。以齊七政。夏后則更置小正。周公則別爲時訓。斯皆月令之宗旨也。逮夫呂氏纂習舊儀。定以孟春。日在營室。有拘板檢。無適變通。不知氣逐閏移。節隨斗建。泊乎月朔差異。日星見殊。乃令零祀愆期。百工作沴。事資革弊。允屬宜更。昭代敬天。勤人順時。設教是以有皇極之敷言。親降聖謨。重有刪定。乃依杓建。爰準攝提。舉正於中。匪乘期於積閏。履端於始。不爽候於上元。節氣由是合宜。刑政以之咸序。遂使金木各得其性。水火無相奪倫。蓋所謂順乎天而應乎人者也。乃命集賢院學士尚書左僕射兼右相吏部尚書李林甫。門下侍郎陳希烈。中書侍郎徐安貞。直學士起居舍人劉光謙。宣城大司馬齊光父。河南府倉曹參軍陸善經。修撰官家令寺丞兼知太史監事史元晏。待制官安定郡別駕梁令瓚等爲之注解。臣等虔奉綸音。極思何有。愧無演暢之能。謬承載筆之寄。義深罕測。學淺無能。莫副天心。空塵聖意。謹上。

唐書藝文志載唐月令一卷。唐明皇御刊定。自禮記中第五易爲第一。厥後屢請更正。直至宋景祐初。始復舊文。則是書亦一代流傳舊籍也。雖改亂篇次。增損經文。沿及宋元諸儒。移易尙書。離析大學。筆削孝經。變置周官。出入風雅。誠不免後人作俑之譏。至首爲注解者。如李哥奴弄墨杖杜。尤卑鄙不足道。然朱子作儀禮經傳通解。載禮記月令鄭注。併附注唐本於呂覽淮南之後。且其中經文有依唐月令刪定者。似亦僅有足取者焉。況定立春爲正月之節。至今時憲相承不改。茲故錄其文而併考之。博雅君子。或者其不余責也夫。時道光丁亥二月既望。高郵茆泮林自識。

泮林

檢唐書藝文志載御刊定月令一卷自禮記第五易爲第一又讀鄭樵六經輿論知宋時監本仍

用唐注朱竹垞經義考載唐月令云林甫等注未見

泮林

素好事因畱意於唐人類書宋人類書中求

之果所在多有而太平御覽一書引涉唐月令之迹尤顯蓋引禮記多先月令而後曲禮王制也惜其中兩引祀行不作祀井注亦俱仍鄭注作行此種處多爲後人妄改所失茲特細加別白抉出注文更採白帖歲華紀麗及事類賦諸書注中引涉唐月令與鄭注不同者亦間有依鄭注竄改者併唐月令經文一併錄之課讀之暇謬謂鈔胥而卑鄙不識字之譏余固不能無滋愧云泮林再識

書唐月令

羅泌

敬授人時。此帝堯之急政。聖人以之首書。民事之爲重可知矣。禮有月令。世皆以爲出於管子。不韋之書。故傅子云。月令取呂氏春秋。至杜君卿乃以爲出於管子。不韋編之。以爲十二紀之首。漢世戴聖始取以入禮記。蓋以管子有幼官四時之篇。然亦不知周公已有時訓。而時令解見之周書。此蔡氏所以謂爲周公之作。孟冬祈來年。則建用子矣。是周正也。正歲合諸侯。若諸侯之所稅。非秦事也。而或者猶謂周以六冕郊天。以大裘玉輅大常迎氣。而月令車服並依時色。況乃太尉秦有。則非出於周代。是亦不知劉安時則之訓。本之月令。而亦時有增損。顧得謂漢時乎。常切考之。特亦本之夏小正耳。小正之書。顧亦本之前代。炎黃顓瞽。一代之治。斯有一代之時。惟其來者甚遠。是故歷代傳寶。以爲大訓。故雖有變易。而其大者猶不得而易也。頃見郭京易舉正序。言我唐御注孝經。刪定月令。以知唐室嘗改古之月令矣。中見斗南於世家。獲唐板五經。首帙爲賤。其本旣禮記以爲先。而以月令冠篇。曲禮次之。月令之篇。則於每月分節與中氣而異言之。謂呂氏定以孟春日在營室。無適變通。不知氣逐閏移。節隨斗建。泊乎月朔差異。中星見殊。乃令零祀愆期。水旱作沴。事資革弊。於是定以构建。準攝提而刪之。命集賢殿學士尚書左僕射兼右相吏部尚書李林甫。門下侍郎陳希烈等爲之注。此卽唐志御定禮記月令一卷者。爰表出之。以見唐世猶以民事爲重云。淳熙新元四之日。墨莊藏書。

唐月令考

新唐書集賢院學士李林甫、陳希烈、徐安貞、直學士劉光謙、齊光乂、陸善經、修撰官史元晏、待制官梁令瓚等注解。自第五易爲第一。

冊府元龜包佶爲祕書監。貞元七年上言：開元中刪定禮記月令，改爲時令，其音及疏并開元有相涉者，未刊正。請選通儒詳定，從之。會佶卒，其事不行。

長編：大中祥符八年七月己未，龍圖閣待制孫奭上言：伏以禮記舊月令一篇，後漢司農鄭康成、盧、馬之徒本而爲注，又作周官及儀禮注，並列學宮，故三禮俱以鄭爲主。而月令一篇，卷第五，篇第六，漢、魏而下，傳授不絕。唐陸德明撰釋文，孔穎達撰正義，篇卷第次皆仍舊貫。泊唐林甫作相，乃抉摘微瑕，蔑棄先典。明皇因附益時事，改易舊文，謂之御刪定月令。林甫等爲之注解，仍升其篇卷冠於禮記，誠非古也。當今大興儒業，博考前經，宜復舊規。式昭先訓，臣謹繕寫鄭注月令一本，伏望付國子監雕印頒行。詔禮儀院與兩制詳定以聞。旣而翰林學士晁迥等言：若廢林甫之新文，用康成之舊注，則國家四時之祭祀並須更改，詳究事理，故難輕議。伏請依舊用林甫所注月令，從之。景祐二年春正月乙巳，直集賢院賈昌朝請以鄭司農所注月令復入禮記第五。其李林甫所注，自爲唐月令別行，從之。仍詔唐月令以備四孟月宣讀。

案臧玉林經義雜記二十七引唐月令據鄭漁仲六經史論知宋時國子監禮記尙用唐改本惟私家用鄭注本未審何時改復今以長編及晁公武陳振孫語證之然則改復者景祐初年也

宋三朝國史藝文志初禮記月令篇篇五卽鄭注唐明皇改黜舊文附益時事號御刪月令升爲首篇集賢院別爲之法厥後學者傳之而釋文義疏皆本鄭注遂有別注小疏者詞頗卑鄙淳化初判國子監李至請復行鄭注詔兩制三館祕閣集議史館修撰韓丕張佖胡旦條陳唐本之失請如至奏餘皆請且如舊以便宣讀時令大中祥符中龍圖閣待制孫奭又言其事卒論復以改作爲難遂罷晁公武曰唐明皇刪定李林甫等注序謂呂氏定以孟春日在營室不知氣遂閏移節隨斗建於是重有刪定俾李林甫同陳希烈等八人爲之解景祐初改從舊文由是別行

葉夢得曰監本禮記月令唐明皇刪定李林甫所注也端拱中李至判國子監啓請復古文本下兩制館職議胡旦等皆以爲然獨王元之不同遂寢後復數有言者終以朝廷祭祀儀制等多本唐注故至今不能改而私本則用鄭注也

羅泌曰唐刻五經禮記以月令冠篇曲禮次之月令之篇則於每月分節與中氣而異言之謂呂氏定以孟春日在營室無適變通不知氣遂閏移節隨斗建泊乎月朔差異中星見殊乃令雲祀愆期水星作沴事資革弊於是定以杓建準攝提而刪之命集賢殿學士尙書左僕射兼右相吏部尙書李林甫門下侍郎陳希烈爲之注以上所引俱見

朱竹垞經義考

開成石經移置卷首冠於曲禮之上。

張參五經文字序云。唯禮記月令。改從明皇定本。音訓頗有不同。

鄭樵六經奧論云。今禮記之月令。私本皆用鄭注。監本月令。乃唐明皇刪定。李林甫所注。端拱中。李至判國子監。嘗請復古文本。以朝廷祭祀儀制等多本唐注。故至今不能改。

晁公武曰。僞蜀張紹文所書石經禮記。首之以月令。題云御刪定。蓋明皇也。林甫等注。蓋李林甫也。其餘篇第如舊。

又曰。皇朝賈昌朝撰國朝時令十二卷。景祐初。復禮記舊文。其唐月令別行。三年。詔昌朝與丁度。李淑。集國朝律歷典禮百度。昏曉中星祠祀配佑歲時施行。約唐月令。定爲時令一卷。以備宣讀。後昌朝注爲十二卷。奏上頒行。

陳振孫曰。唐因禮記舊文。增損爲禮記首篇。天寶中。改名時令。景祐初。始命復禮記舊文。其唐之時令。別爲一篇。遂命禮院修書官丁度等。約唐時令。撰定爲國朝時令。以便宣讀。蓋自唐以來。有明堂讀時令之禮也。

唐月令注補遺

其音角。

謂樂器之聲。三分羽益一以生角。角數六十四。屬木。以其清濁中人象也。春氣和則角聲調。通典樂三

案此依鄭注也。通典引月令云。正月其音角。引注作人象。不作民。下更接云。其二月三月不見者。並在正月。他物倣此。係唐本無疑。

上丁釋奠於國學。天子乃率公卿諸侯大夫親往視之。

觀其禮也。御覽五百三十五

勸人種麥。無或失時。

勸農人以及時。全上八百二十二

冰方盛。命取而藏之。

春秋傳曰。日在北陸而藏冰。全上二十六

唐月令注

唐明皇御刊定禮記月令一卷

集賢院學士尚書左僕射兼右相吏部尚書李林甫、門下侍郎陳希烈、中書侍郎徐安貞、直學士起居舍人劉光謙、宣城大司馬齊光又、河南府倉曹參軍陸善經、修撰官家令寺丞兼知太史監事史元晏、待制官安定郡別駕梁令瓚等注解。

正月之節，日在虛。

立春爲正月之節。謹案春秋傳曰：履端於始，謂節也。舉正於中，謂氣也。歸餘於終，謂閏也。既有閏，則立春進退，不恆在正月朔日，故不定爲孟春之月，但得立春，則是正月之節，可以行春令矣。御覽十八

昏昴中曉心中。案張參五經文字：昏避廟諱改从氏，今據改。又案且改作曉者，避睿宗諱也。

黃昏時昴星正當午位。曉時心星正當午位。凡記昏昴曉心中，爲人君南面而聽天下，觀時候以授人事也。日入後二刻半爲昏，日未出二刻半爲曉也。全上

汲古閣校本歲華紀麗一引經正月之節。缺之節二字引注脫爲人君以下二語。

斗建寅位之初。

地十有二辰。斗柄杓常左旋指地位。故立春正月之節。則斗建寅位之初。書云。璿璣玉衡以齊七政。此之謂矣。御覽全上。案璿璣之璣。依表文當作樞。蓋羣臣作表因明皇諱降基。故諱嫌名也。今从御覽注。

其日甲乙。

春秋傳曰。天有十日。謂甲乙丙丁戊己庚辛壬癸。甲乙屬木。主春。故云其日甲乙。全上。案唐諱丙。注丙當依下經文作景丁。

其帝太皞。其神句芒。

昔太皞氏以木德繼天而王。故爲春帝。高辛氏有天下。置五行之官。木正曰句芒。故句芒爲木神。佐太

皞於春。全上。事類賦注引全。

其蟲鱗。其音角。

律中大蕤。

律者候氣之管。以竹爲之。中猶應也。正月氣至。則大蕤之律應。應謂吹灰也。大蕤者。林鍾所生。三分益

一管長八寸。空徑三分。圍九分。全上

其數八。其性仁。其事貌。其味酸。其臭羶。

其祀戶。祭先脾。

春陽氣。祀戶。順陽氣也。事類賦注

立春之日。東風解凍。後五日。蟄蟲始振。後五日。魚上冰。

昔在周公作時訓。定二十四氣。辨七十二候。每候相去各五日。以明天時。將驗人事。言聖人奉順天時。

則萬物及節候也。御覽全上 玉海十二引唐注。周公作時訓。定二十四氣。辨七十二候。

天子居青陽左个。乘青輅。駕蒼龍。載青旂。衣青衣。服蒼玉。食麥與羊。其器疏以達。

案玉海九十六言唐注。月令十三室各在其辰之上。

太史以先立春三日。謁於天子曰。某日立春。盛德在木。天子乃齊。

立春之日。天子親率公卿諸侯大夫。以迎春於東郊。還乃賞公卿諸侯大夫於朝。

迎春爲祀。青帝靈威仰於東郊。以太皞配。以句芒。歲星三辰七宿從祀。自帖

命相布德和令。行慶施惠。下及兆人。慶賜遂行。無有不當。

命太史司天歷候日月星辰宿離不貸無失經紀以初爲常

歷推策也候占候也宿二十八宿也離猶歷也七曜爲經二十八宿爲紀初謂孟春歲首也白帖

是月也命有司祭風師

立春之後丑日祭風師於國城東北御覽全上
通典禮四

是月也命有司釁龜策占兆審卦吉凶

周禮龜人上春釁龜謂建寅之月御覽七百
二十五

正月中氣日在危

雨水爲正月中氣凡中氣前後去節十五日春秋傳曰舉正於中此之謂也御覽十八

昏畢中曉尾中斗建寅位之中

雨水之日獺祭魚後五日鴻雁來後五日草木萌動

天子乃命有司布農事舍東郊修封疆端徑術善相邱陵阪險原隰土地所宜五穀所殖以教導人必躬親之田事既飭先定準直農乃不惑

端、正也。徑、步道也。術、車道也。白帖

天子乃以元日祈穀於上帝。

元、吉也。謂上辛祈穀。郊祀昊天上帝於圜丘。以高祖神堯皇帝配坐。以五方帝從祀於壇。春秋傳曰：啓蟄而郊，祈而後耕，此之謂矣。御覽全上

乃擇元辰。天子親載耒耜，置之車右，率公卿諸侯大夫躬耕藉田。天子三推，三公五推，卿諸侯九推，還讌飲於大寢。公卿諸侯大夫皆御，命曰勞酒。

辰、亥也。謂郊後吉亥。享先農於東郊。先農、神農也。御覽五百三十二

是月也，命樂正習舞。

春夏尚舞，故命習之。御覽十八
東顧賦注

乃修祭典，命祀岳鎮海瀆，犧牲無用牝。

正月修祭典。國重祭，故歲首修之。無用牝，爲傷生生之類也。白帖

禁止伐木。